

ԳԵՐՄԱՆԱԿԱՆ ՍՈՑԻԱԼ-ԴԵՄՈԿՐԱՏԻԱՆ ԵՎ ՀԱՅԿԱԿԱՆ ՀԱՐՑԸ
XIX ԴԱՐԻ ՎԵՐՋԻՆ

Գ. Բ. ՂԱՐԻՐՋԱՆՅԱՆ

ՀՀ ԳԱԱ ակադեմիկոս

«Գերմանական սոցիալ-դեմոկրատիան և Հայկական հարցը» հիմնախնդիրը գրեթե ուսումնասիրված չէ։ Մինչդեռ այն ունի ոչ միայն պատմական, այլև արդիական նշանակություն, քանզի սոցիալ-դեմոկրատիան ժողովուրդների, ազգերի ճակատագրում մեծ դեր է խաղացել ու շարունակում է խաղալ։ Հիշյալ խնդրի մասին նյութերը քիչ չեն, սակայն երկար տարիներ դրանք մնացել են հետազոտողների տեսադաշտից դուրս՝ գերմանական սոցիալ-դեմոկրատիայի նկատմամբ ստալինյան միտումնավոր քաղաքականության պատճառով, որը 1930—50-ական թվականների պատմագիտական գրականության մեջ գերիշխող էր դարձել։

XIX դ. վերջին և XX դ. սկզբին գերմանական սոցիալ-դեմոկրատիան երկրորդ ինտերնացիոնալի ամենաուժեղ և ամենաազդեցիկ կուսակցությունն էր։ Նրա շատ ականավոր գործիչներ զբաղվել են Արևելյան և նրա անբաժան մասը կազմող Հայկական հարցով։ Այն ժամանակ, երբ Գերմանիայի կառավարող շրջանները և մի շարք գործիչներ թուրքամետ քաղաքականություն էին վարում, գերմանական սոցիալ-դեմոկրատների ղեկավարների ճշշող մեծամասնությունը հանգես էր դալիս Թուրքիայի՝ որպես հետադիմական և ազգակործան կայսրության քննադատությամբ ու նրա լծի տակ տառապող ժողովուրդների պաշտպանությամբ։ Եվ այդ այն ժամանակ, երբ գերմանական կայսր Վիլհելմ Ներկորդը սուլթան Աբդուլ Համիդին հավաստիացնում էր. «Թող սուլթանը և նրա խալիֆները՝ ցրված երկրագնդի գահազան աւելյունները, հավատացած լինեն, որ բոլոր ժամանակներում էլ՝ գերմանական կայսրը պիտի նրանց բարեկամը լինի»¹։

1896—1897 թթ. կրետացիների ապստամբության, հուլյն-թուրքական պատերազմի և հայկական կոտորածների ու ինքնապաշտպանական կռիվների ուժեղացման հետևանքով կրկին սրվում է Արևելյան հարցը։ Գերմանիայում դրան նվիրված բազմաթիվ գրքեր ու հոդվածներ են տպագրվում։ Հայն Բանավեճ էր ընթանում սոցիալ-դեմոկրատիայի տեսական հանդես «Դի Նոյն Ցախտ» (Շտուտգարդ), կենտրոնական օրգան «Ձորվեստի» (Բեռլին), «Ջեխսիշե, Արբայթեր-Ցայտունգի» (Դրեզդեն) և այլ թերթերի էջերում։ Մովսիսյան հոդվածներով հանդես են գալիս Վիլհելմ Լիբկինխտը, Ալֆրեդսոն Բեբելը, Կարլ Կաուցկին, էդուարդ Բեռնշտայնը, Ռոզա Լյուքսեմբուրգը, ինչպես նաև սոցիալ-դեմոկրատ հնչակյան կուսակցության ղեկավար Ավետիք Նադարեկյանը (Նազարեկ) և ուրիշներ։

Վ. Լիբկինխտը (1826—1900) «Արևելյան հարցի շուրջ կամ պե՞տք է արդյոք Եվրոպան կազակային դառնա։ Նախադրույթների խոսք գերմանական ժողովրդին» գրքով կում, որը 1870-ական թվականներին լույս էր տեսել երկու հրատարակությամբ, գերմանական ռալիստագում ունեցած իր ելույթներում և սոցիալ-դեմոկրատական մամուլում տպագրված հոդվածներում պաշտպանում էր այն տեսակետը, որ Ռուսաստանի նվաճողական քաղաքականությունը կանխելու համար անհրաժեշտ է Ռուսաստանի դեմ

1 Բ. Ի շ ա ն յ ա ն, Տաճկահայ խնդիրը և միջազգային դիպլոմատիան, Թիֆլիս, 1907, էջ 31։

զինված միջամտության դիմել՝ պաշտպանելով Թուրքիային, դատապարտել նրա դեմ ուղղված բոլոր ելույթները 1897 թ. «Ֆորվեյմսում» տպագրված իր հոդվածում՝ Վ. Լիբկնեխտը զարգացնում է Արևելյան հարցի շուրջ կամ պե՞տք է արդյոք Ծվրոպան կազակալին, դառնա՞ զրքուկի դրույթները: Ամեն ինչում բացառաբար Ռուսաստանին և պաշտպանելով Թուրքիային՝ Վ. Լիբկնեխտը անհիմն մեղադրանքներ է հարուցում օսմանյան լծից իրենց ազատազրկության համար պայքարող հայերի և կրետացիների դեմ: Դա անդիպացի դիվանագետ, հետադիմական հրապարակախոս և քաղաքական հոգեբան, Ռուսաստանի կատաղի խնամի, հայտնի թուրքամետ, Մերձավոր արևելքում սեզիական հետախուզության կազմակերպիչ Դավիթ Ուրբվարդի գրվածքների ազդեցության հետևանքն էր: Ցավոք, Ուրբվարդի հայացքներն այդ ժամանակ ոչ միայն բացահայտ պաշտպանություն էին դրսևում Վ. Լիբկնեխտի կողմից, այլև ներկայացվում էին որպես մարքսիստական տեսակետներ: Վ. Լիբկնեխտի կենսագիր Կուրտ էսները գրել է. «Լիբկնեխտը միշտ հատուկ հեռաբերություններ էր վերաբերվում արտաքին քաղաքականությանը: Անույնացի Ուրբվարդը վճռականորեն աղվել էր նրա վրա և որոշել նրա ուղղությունը: Ռուսաստանի համաշխարհային ազդեցության դեմ պայքարը նրա դիվանագետ ինդիվիդուալ էր: Պե՞տք է արդյոք Ծվրոպան կազակականությանը և ազդեցության տակ լինի: Այս հարցը նա միշտ առաջ էր քաշում»²:

1896 թ. Կ. Մարքսի մասին գրած իր հիշողություններում Վ. Լիբկնեխտը Դ. Ուրբվարդին համարում է «ռուսական դիվանագետության և Թուրքիայի դրույթյան լավագույն դիտակ», «Արևելյան հարցի առաջին կարգի դիտակ, եթե ոչ քննադատական ամենաբարձր հեղինակությունը»³: «Այն ամենը, — գրում է Վ. Լիբկնեխտը, — ինչ ինչ հաջողվեց անել կուսակցական մամուլում, գրքայիններում և ռախսատագում, մեր դասային դիվանագետությանը և ռուսական քաղաքականությանը, անընդունակությունը լուսաբանելու համար, ես պարտական եմ առաջին հերթին Ուրբվարդի ու նրա երկերի հետ ծանոթանալուն»⁴: Ավելին, Վ. Լիբկնեխտը գրում է, որ իբր Կ. Մարքսը բարեկամական հարաբերություններ էր պահպանում Դ. Ուրբվարդի հետ և պաշտպանում էր նրա հայացքները⁵:

Կ. Մարքսի ու Ֆ. էնգելսի՝ Դ. Ուրբվարդին տված գնահատականները, Արևելյան հարցի մասին նրանց գիտական հարուստ ժառանգության ուսումնասիրությունը հիմնովին ժխտում են Վ. Լիբկնեխտի՝ այս եզրակացությունը: Մարքսն ու էնգելսը Ուրբվարդին անվանել են «պառլամենտի խելացնոր դեպուտատ», «թուրքերի երկրպագու», «խսկական մթուրք», «խսկական մոլագար»⁶:

1853 թ. մարտի 9-ին Մարքսին գրած նամակում Ֆ. էնգելսը մերկացնելով «Թուրքերի երկրպագու» Ուրբվարդին, նշում է, որ վերջինս հիացած է իսլամով և օսմանյան թուրքերին համարում է «աշխարհում ամենակատարյալ ազգը, թուրքերին՝ ամենակատարյալ և բարեհնչուն լեզուն», Թուրքիան՝ մի դրախտ, «որտեղ չկան և չեն կարող լինել դասակարգային տարբերություններ, դասակարգային պայքար, քաղաքական կուսակցություններ, որովհետև ներքին քաղաքականության մեջ բոլորը նույն կարծիքին են»⁷: Նույն ժամանակ հրատարակած «Թուրքական հարցը» հոդվածում Ֆ. էն-

² Vorwärt, 10. III. 1892, № 58.

³ Курт Эснер, Вильгельм Либкнехт, Одесса, 1905, с. 65.

⁴ В. Либкнехт, Воспоминания о Марксе, Одесса, 1905, с. 37.

⁵ Նույն տեղում, էջ 33:

⁶ Նույն տեղում, էջ 38:

⁷ К. Маркс, Ф. Энгельс, Соч., т. 28, с. 186, 515. Գնահատելով Վ. Լիբկնեխտի ելույթները Ռուսաստանի դեմ, հոգևոր Թուրքիայի, թուրքական կառավարող շրջանները որոշում են նրան պարզևստրել իրենց բարձր շթանշանով, բայց Վ. Լիբկնեխտը մերժում է (տե՛ս Курт Эснер, նշվ. աշխ., էջ 661):

⁸ К. Маркс, Ф. Энгельс, Соч., т. 28, с. 186.

գելսը նշում է, որ Դ. Ուրբվարդը թուրքերի հետ միասին երեք տարի կռվելով Հունաստանում, դառնում է թուրքերի առաջին կրքոտ երկրպագուններից⁹։ Նույն հոգովածում Ֆ. էնգելսը ցույց է տալիս, որ թուրքիայում քաղաքակիրթ տարրերը հույները, հայերը, սլավոնները և արևմտյան եվրոպացիներն են։ «Փաստը մնում է փաստ,—նշում է էնգելսը,—որ թուրքերից պետք է ազատվել»¹⁰։ 1854 թ. հունիսի 1-ին Ֆ. Լասալին գրած նամակում Կ. Մարքսը Դ. Ուրբվարդին անվանում է «ռոմանտիկ-ռեակցիոներ, իսկական խուրճ, որը կյանկանար ամբողջ Արևմուտքը վերափոխել թուրքական ձևով և թուրքական կարգերի օրինակով»¹¹։

Ֆրանց Մերինգը գրել է, որ Դ. Ուրբվարդը «մոլեռանդ ատելությամբ էր լցված ռուսների նկատմամբ և նույնպիսի մոլեռանդ հիացմունքով՝ թուրքերի»¹²։ Ուրբվարդի «քմահաճություններից մեկն էլ այն կարծիքն էր,—գրել է Ֆ. Մերինգը,—որ եվրոպական հեղափոխականները գիտակից կամ անգիտակից զենք են ցարիզմի ձեռքին, որն օգտվում է ղրանից, որպեսզի դժվարություններ ստեղծի եվրոպական կառավարությունների համար»¹³։

1920-ական թվականներին պատմաբան Դ. Ռյազանովը գրել է. «Մարքսի ու էնգելսի այն ժամանակ հայտնի ներկերում, երբ Լիբկնիխտը գրել է իր հիշողությունները, և որդեն կային բավականաչափ նյութեր՝ առ հայացքները քննադատելու համար, իսկ 1897 թ. հանդես եկավ էյնսնորա էյնլինգի ժողովածուն, որն անհրաժեշտորեն ապացուցեց, որ Ղրիմի պատերազմի ժամանակ Մարքսի բաղկանյալ քաղաքականությունը չի համընկել Ուրբվարդի քաղաքականությանը»¹⁴։ Է. էյնլինգի ժողովածուն հրատարակվել էր այն ժամանակ, երբ Կոստանդնուպոլսում հայկական կոտորածների, Կրետեում ելույթների և հույն-թուրքական պատերազմի հետևանքով կրկին բարձրացել էր Արևելյան հարցը, և գերմանական սոցիալ-դեմոկրատական կուսակցությունը մշակում էր իր վերաբերմունքը դրա նկատմամբ։

Դեռևս 1878 թ., ի պատասխան Վ. Լիբկնիխտի Արևելյան հարցի շուրջ կամ պե՞տք է արդյոք Եվրոպան կազակային դառնա։ Նախադրուշացման խոսք գերմանական ժողովրդին» գրքուկի, Յյուրիսում լույս է տեսնում Լրյա աւառդ սոցիալ-դեմոկրատ Հայնրիխ Լեվիի անանուն պարսավազիրը՝ «Արևելյան հարցի մասին կամ պե՞տք է արդյոք սոցիալիստական բանվորական կուսակցությունը թուրքանա։ Նախադրուշացման խոսք գերմանական սոցիալ-դեմոկրատիային» վերնագրով, որտեղ խիստ քննադատության էին ենթարկվում Վ. Լիբկնիխտի թուրքամետ հայացքները։ Այդ գիծը հետագայում զարգացվեց և դարձավ գերմանական սոցիալ-դեմոկրատիայի ճնշող մեծամասնության կարծիքը։

Այդ սկզբունքային կարծիքը հիմնավորվում էր նաև արևմտահայերի դեմ թուրքական հալածանքները դատապարտող և նրանց ինքնապաշտպանական կռիվները արդարացնող փաստաթղթերի ու այլ հոգովածների հրապարակումով։ Վ. Լիբկնիխտի տրուլթները ժխտող հավաստի փաստաթղթերի մեջ խիստ կարևորություն ունի գերմանացի բողոքական քահանա դոկտոր Իոհանես Լեփսիուսի՝ 1896 թ. Բեռլինում հրատարակած «Հայաստանը և Եվրոպան» զիրքը, որում հավաքված էին բազմաթիվ փավերագրական տեղեկություններ 1894—1896 թթ. արևմտահայերի զանգվածային կոտորածների մասին։ Գիրքը գրված էր վեց մեծ տերությունների դեսպանների՝ 1896 թ. փետրվարին թուրքական սուլթանին ուղղած զեկուցագրերի, ականատեսների ցուցանունների հիման վրա։

⁹ Նույն տեղում, էջ 21։

¹⁰ Նույն տեղում, էջ 26։

¹¹ К. Маркс, Ф. Энгельс, Соч., т. 28, с. 515.

¹² Ф. Меринг, Карл Маркс, История его жизни, М., 1957, с. 267.

¹³ Նույն տեղում։

¹⁴ Д. Рязанов, Очерки по истории марксизма, т. 1, М.—Л., 1928, с. 283.

Թուրքական թի տակ արևմտահայերի ծանր վիճակի և նրանց ազատագրական պայքարի հարցերի լուսաբանմամբ «Նույն Յարթ»-ում հանդես է գալիս Հնչակյան կուսակցության հիմնադիր, սոցիալիստ Ավետիք Նազարբեկը (Նազարբեկյան): «Ես ինձ թույլ եմ տալիս այս համեստ հոդվածով,— գրում էր «Նա Նույն Յարթ» 1895—1896 թթ. 41-րդ համարում,— բոլոր երկրների սոցիալիստական կուսակցությունների ուղադրությունը ուղղել թուրք-հայկական հարցի վրա...»¹⁵ Եր համաշխարհային պրոլետարիատն այսօր մարգկոթյան ազատագրման միակ գործուն առաջամարտիկն է, եվրոպական խաղաղության և եվրոպական հավասարակշռության լավագույն պահապանը: Սոցիալիստական կուսակցությունները, որոնք օգտվում են մամուլի ազատությունից, ժողովների իրավունքից, ընտրական իրավունքից, որոնց ներկայացուցիչները խորհրդարանում իրենց ձայնն են բարձրացնում, ի վիճակի են հայ սոցիալիստների գործին ազդու կերպով նպաստել գործադրելով իրենց ազդեցությունը հասարակական կարծիքի և եվրոպական պատմությունների վրա և դրանով աջակցել անդադար ջարդվող հայ ժողովրդին՝ Հայկական հարցի լուծման համար»¹⁶:

Գերմանիայի և Նիդերլանդների շատ ալլ երկրների սոցիալիստներ, առաջադեմ մարդիկ հանդես եկան հայերի պաշտպանությամբ: Հայկական շարժումների պատճառների հիմնավորմանն ու պաշտպանությանն էր նվիրված Լա Բարբեի «Հարկերը Թուրքիայում և հայկական շարժումների պատճառները» հոդվածը, որում բացահայտվում էին հայկական ելույթների տնտեսական պատճառները: Ընդգծելով, որ «հայկական շարժումների սկզբնապատճառը պետք է որոնել ժողովրդի տնտեսական ողբալի կացության մեջ», Լա Բարբեն հանգամանորեն վերլուծում է Թուրքիայում հայերի նկատմամբ կիրառվող հարկային դաժան համակարգը: «Խեղճ ժողովուրդ,— գրում էր նա հայերի մասին,— վճարի տունդ կառուցելու համար, վճարի քո գլխի համար, վճարի, որ դու ծնվել ես, որ դու ապրում ես, որ դու օդ ես՝ շնչում, վճարի քո արտի համար, քո աջու և բանջարանոցի համար: Վճարի քո ընտանիքի համար, քո քրտինքի արդյունքի համար, վճարի պետությանը, վճարի վաշխառուներին, վճարի քրդերին... Վճարի, վճարի անվերջ: Եթե այն ծով լիներ, ապա արդեն շորացած կլիներ, եթե Վենտ լիներ, կզաղարեր հոսանք... Հայի ողորմելի գրպանը, աղքատիկ տնտեսությունը վաղուց արդեն հյուծվել ու սպառվել են: Ո՞ւմ կարող է նա բավարարել: Ո՞ւմ կարող է դեռ վճարել: Ի՞նչ է մնում նրան, եթե ոչ զենքի դիմել, արյուն թափել, մինչև իսկ առանց հավատալու իր ապստամբության հաջողությանը: Այս շարժումները նման են սովյալների վերջին ջղաձգումներին:

Սակայն ժողովուրդներն այդքան շուտ չեն մահանում: Օտար բռնակալները շատ ավելի հաստատ կկործանվեն, քան այն ժողովուրդը, որը պաշտպանում է իր հայրենիքը, իր հայրենի հողը և այն բոլորը, ինչ իր համար թանկ է»¹⁶:

1890-ական թվականներին լրագրացված լույս տեսած շատ գրքեր ու հոդվածներ անհերքելի կերպով ապացուցում էին, որ օսմանյան Թուրքիայի կառավարող շրջանները նախօրոք մշակել էին արևմտահայերի բարբարոսական ոչնչացման ծրագիրը, որի իրականացման օժանդակել են կայդերական Գերմանիայի ղեկավարները: Չնայած դրան, գերմանական սոցիալ-դեմոկրատիայի առանձին ղեկավարներ, ելնելով Թուրքիայի մասին Գ. Ուրբարդի և Լ. Մարտինի տված տեղեկություններից, ախալ դիրք գրավեցին Արևելյան հարցում և, պաշտպանելով Թուրքիային, հանդես եկան հայ ժողովրդի ազատագրական պայքարի դեմ՝ այն համարելով Ռուսաստանի «խառնակություններ» Թուրքիայի նկատմամբ:

¹⁵ Die Neue Zeit, 1895/96, № 41, S. 500—501.

¹⁶ Նույն տեղում, 1897, № 2, S. 46.

Վ. Լիբկնեխտի և Ա. Բերելի թույլ տված նման սխալները հանգամանորեն բննադատվեցին Ռոզա Լյուքսեմբուրգի կողմից¹⁷։ «Ջեխաիշե Արքայթեր Յայտունդ» թերթի 1896 թ. հոկտեմբերի համարներում տպագրված՝ «Ազգային պայքարը Թուրքիայում և սոցիալ-դեմոկրատիան» հոդվածաշարում Լյուքսեմբուրգը հերքում է Գերմանիայի սոցիալ դեմոկրատական մամուլում արտահայտված այն կարծիքը, որ իբր Թուրքիայում XIX դ. 90-ական թվականներին Սուլթան Համիդ 2-րդի կազմակերպած հայկական կոտորածները, հույների և հայերի ապստամբությունները, դիվանագիտական մեքենայությունների արդյունք են, մասնավորապես, Ռուսաստանի կողմից։ «Որոշ ժամանակ,—գրում է Լյուքսեմբուրգը,—կարելի էր մամուլի նույնիսկ այնպիսի արձագանքների հանդիպել, թե իբրև թուրքական սառսափները ընդհանրապես լուկ մտացածին են, բաշխողությունները՝ քրիստոնյա օրինակելի մարդիկ, իսկ հայերի ապստամբությունը՝ ռուսական ռուսլիով գնված գործակալների գործ»¹⁸։ Ռ. Լյուքսեմբուրգը ցույց է տալիս, որ Թուրքիան դարերի ընթացքում, երկրի ներսում ստեղծել է դասակարգային ու ազգային ճնշման դաժան համակարգ, որն էլ հասցրել է Թուրքիայի քայքայմանը։ «Անանկովթյուն մայրաքաղաքում, անանկովթյուն գյուղում,—գրում էր Լյուքսեմբուրգը,—պալատական հեղաշրջումներ Կոստանդնուպոլսում և ժողովրդական ընդվզումներ գավառում։ Այս բոլորը ներքին անկման վերջնական արդյունքներն էին դարձնել»¹⁹։ Հույների, թուրքների, հերցոգովինցիների, սեբերների, լուլլարների, հայերի մահացու կռիվը թուրքական իշխանությունների դեմ, ազգային-ազատագրական շարժումները Թուրքիայում Լյուքսեմբուրգը համարում է պատմական, քնական մի անհրաժեշտ պրոցես, դարերի անարդարությունից և շահագործումից լեռան շափ դիզված բոցավառ նյութի պայթյուն, որի հետևանքով Թուրքիան պետք է փլուզվեր որպես պետություն, և նրա փոխարեն պիտի ստեղծվեին նոր պետություններ։ Ռ. Լյուքսեմբուրգը նշում է, որ «սկզբունքորեն, սոցիալ-դեմոկրատիան միշտ կողմ է ազատագրական ձգտումներին, քրիստոնյա ազգերը, տվյալ դեպքում հայերի, ուզում են ազատագրվել թուրքական տիրապետության լծից և սոցիալ-դեմոկրատիան պետք է ճանաչի այդ»²⁰։ Լյուքսեմբուրգը գտնում էր, որ հետամնաց Թուրքիայի տիրապետության տակ գտնվող ազգերի ս.հ.ա.ա.լ.թ.թ.յունը լիովին համընկնում է սոցիալիստական շարժման շահեքին, որովհետև այն առաջադիմական երևույթ է, և դրանով իսկ այդ ազգերը անարավորություն են ստանում կանգնելու կապիտալիստական զարգացման ուղու վրա։ Կապիտալիզմի զարգացումը հող կապատրաստի փամանակակից շարժման և սոցիալ դեմոկրատիայի զարգացման համար։ «Յուրվեստը» «Արևելյան քաղաքականության հարցի շուրջը» հոդվածում Ռ. Լյուքսեմբուրգը նշում էր, որ հայկական շարժումները կապված են Թուրքիայում տիրող տնտեսական հարաբերությունների հետ, և ելնելով դրանից, մերժում է Վ. Լիբկնեխտի անհիմն հարձակումը հայ սոցիալիստների դեմ, դատապարտում «Յուրվեստի» խմբագրության անսկզբունքայնությունը զաղութային զավթումների և ազգային ճնշման հարցերում։

Ռ. Լյուքսեմբուրգի այս դիրքորոշման պաշտպանությամբ հանդես եկավ է. Բերնշտայնը, 1897 թ. «Նոյն Յայտունդի» հրատարակած «Գերմանական սոցիալ-դեմոկրատիան և թուրքական խառնակումները» հոդվածով, գրե-

¹⁷ Այս մասին տե՛ս Գ. Ռ. Ղաթիսյան, Կարլ Լիբկնեխտը և Ռոզա Լյուքսեմբուրգը հայ ժողովրդի մասին, Երևան, 1971, նույնի՝ Ռոզա Լյուքսեմբուրգի նորահայտ հոդվածը Արևելյան հարցի մասին (Բանբեր Երևանի համալսարանի, 1971 թ., № 2), և ույնի՝ Ռոզա Լյուքսեմբուրգի «Յուրվեստը» «Արևելյան քաղաքականության հարցի շուրջը» հոդվածի մասին (նույն տեղում, 1997, № 1)։

¹⁸ Sächsische Arbeiter—Zeitung, 1896, № 234.

¹⁹ Նույն տեղում, № 235.

²⁰ Նույն տեղում։

լով, որ ինքը միանգամայն համամիտ է Ռ. Լյուբսեմբուրգի «Ազգային կոիվները Թուրքիայում և սոցիալ-դեմոկրատիան» հոդվածաշարի՝ այդ հրաշալի աշխատության հիմնական մտքերի և հետևությունների հետ»²¹, Հոդվածն սկսվում է այն դիտողությամբ, որ սուլթանական ռեժիմի և նրա դաշնակիցների դեմ Թուրքիայի հայերի կոիվների նկատմամբ սոցիալ-դեմոկրատական մամուլի ղիրքորոշումն ամենևին էլ միասնական չէ։ Ի նպաստ հայերի գրված հոդվածներին հաջորդում են այնպիսիները, որոնց հեղինակներն առավել կամ փառ չափով օսմանյան կառավարության կողմն են պահում և հայկական շարժումները վերագրում են ռուսական կառավարության գործակալների մեքենայություններին։ Բերնշտայնը Գերմանիայի սոցիալ-դեմոկրատական կուսակցության համար պատվաբեր չի համարում հայերին իրենց ազատագրական պայքարում շաջակցելը, Գերմանական կայսրության հակահայկական քաղաքականությունը շմերկացնելը։ «Չկա ժամանակակից մի մեծ պետություն,— գրում է Բերնշտայնը,— որը ժողովուրդների սերը փաստակերպ համար շատ ավելի քիչ բան արած լինի, ինչպես Գերմանիան։ Մի հայացք զննեք քարտեզի վրա և հարց տանք. ո՞ր ժողովուրդի ազատագրմանն է Գերմանիան օգնել։ Համարյա ամենուր Գերմանիային գտնում ենք ճնշողների կողմը՝ ազգային-ազատագրական պայքարի դեմ... Հատկապես Արևելքում Գերմանիան գրել է սև էջ, սկզբից մինչև վերջ...»²²։ Ամփոփելով իր ծավալուն հոդվածը, որի մի շարք դրույթների կարելի է չհամաձայնել, է. Բերնշտայնն ընդգծում է. «Հայկական հարցի առթիվ մենք վերջապես կարող ենք մեր ձայնը բարձրացնել հանուն Արևելքում ազատության և մարդկայնության, առանց վախճանալու՝ դրանով սատարած լինել ցարիզմին։ Մեր բնական համակրությունը բոլոր ճնշվածների կողմն է, որոնք ոտքի են ելնում իրենց ճնշողների դեմ։ Մեր ընդհանուր շահագրգռվածությունն առաջադիմության համար՝ նաև հետ մնացող երկրներում, և մեր հատուկ շահագրգռվածությունը, որպես գերմանացիների, ստեղծել կարգավորված իրավիճակ և վերջ տալ Արևելքում տիրող ստոր մեքենայություններին. այս բոլորը հրամայում են մեզ՝ այս առիթը անօգտագործելի չթողնել։ Անգլիական սոցիալիստները և բանվորները տարբեր ձևերով, բայց ըստ էության միահամուռ ոտքի են ելել ստոր կերպով բռնադատված այս ժողովրդի համար և հանուն Թուրքիայի փաշայական տնտեսությունը վերջ տալուն. գերմանացիք թող նրանցից հետ չմնան»²³։

«Փորվեստ»-ի 1897 թ. մարտի 4-ի համարում Արևելյան հարցն ու սոցիալ-դեմոկրատիան հոդվածով հանդես է գալիս Կ. Կաուցկին, որը, Արևելյան հարցը համարելով սոցիալ-դեմոկրատիայի համար առանձնակի նշանակություն ունեցող խնդիր, գրում է, որ նոր պայմաններում Արևելքի երկու բռնակալներ՝ սուլթանական Թուրքիան և ցարական Ռուսաստանը գտնուրվում են միևնույն ճամբարում։ Հետևապես, Եվրոպայի դեմոկրատիան պետք է համախմբված կանգնի Կալադիր ճամբարում, պաշտպանի այդ երկու պետությունների դեմ ուղղված ազատագրական շարժումները։

Կ. Կաուցկին գտնում էր, որ սոցիալ-դեմոկրատիան պետք է պաշտպանի ոչ միայն Հունաստանի և Կրետեի ապստամբ բնակչությանը, այլև բալկանյան երկրների բոլոր քրիստոնյա ժողովուրդներին, որոնք պայքարում են Թուրքիայի դեմ։ Կաուցկին գրում էր, որ տվյալ ժամանակաշրջանում «հարվածել Թուրքիային, նշանակում է խփել Ռուսաստանին», քանի որ «Թուրքիան դարձել է Ռուսաստանի վասալը»²⁴, նա անտեսում էր այն փաստը, որ Թուրքիան սկսել էր դառնալ Գերմանիայի վասալը։

Արևելյան հարցում Կ. Կաուցկու և է. Բերնշտայնի դիրքորոշումները համընկնում էին։ Տարբերությունը միայն տակտիկական թնույթ էր կրում։

²¹ Die Deutscher Zeit, 1896—97, № 4, S. 108—118.

²² Նույն տեղում, S. 114.

²³ Նույն տեղում, S. 116.

²⁴ Vorwarst, 1897, № 53, S. II—III.

Հակառակ դիրքերում էին կանգնած Լիբկնիխտը և Բեբելը: Վ. Լիբկնիխտը դեմ էր Կրետե կղզում թուրքերի դեմ բռնկված ապստամբությանը, Հուսաստանի հետ Կրետեի միացմանը, Վ. ընդհանրապես, բալկանյան ժողովուրդների ազգային-ազատագրական շարժմանը՝ նա գտնում էր, որ «չի հաջողվի այդ ժողովուրդներից պատենշ կանգնեցնել Ռուսաստանի դեմ»²⁶, Վ. Լիբկնիխտը և Ա. Բեբելը նշում էին, որ թուրքիան քայքայող ամեն մի շարժում, այդ թվում նաև հուլյների, հայերի և մյուս ազգությունների ապստամբությունները, ցարիզմի քանսարկություններ կամ նրան օգնող դորժոններ են, հետևաբար սոցիալ-դեմոկրատները պետք է հանդես գան թուրքիայի պաշտպանությամբ՝ ընդդեմ հակաթուրքական շարժումների, մասնավորապես արևմտահայերի ազատագրական ելույթների: Հողաված սկսելով Ռուսաստանի նվաճողական լայն պլանների մասին Պյոտ Մեծի այսպես կոչված կտակով, Բեբելը գրում էր, որ Ռուսաստանը հետևողականորեն իրականացնում է ամբողջ նվաճողական տիրանալու, աշխարհին իշխելու իր ծրագիրը: Սակայն վաղուց ապացուցված է, որ այսպիսի ոչ մի կտակ գոյություն չի ունեցել, որ այդ կեղծիքը հնարվել է Արևմուտքում՝ դեռևս 1797 թ. և օգտագործվել Արևմտսլավոնական քաղաքագետների ու հրապարակախոսների կողմից հակառուսական պրոպագանդայի համար: Հայտնի է, որ Ֆ. Էնգելսը «Ռուսական ցարիզմի արտաքին քաղաքականությունը (1889—1890 թթ.)» հոդվածում Պյոտը Առաջինին որակելով որպես մեծ մարդ, նշել է, որ այդ «այսպես կոչված կտակը, ըստ երևույթին, կազմված է որևէ հպիգոնի կողմից»²⁸: Էնգելսը նշում է, որ Ռումինիան, Սերբիան, Չերնոգորիան ընդլայնել են իրենց տարածքները և անկախություն ստացել շնորհիվ Ռուսաստանի²⁷:

Վ. Լիբկնիխտի և Ա. Բեբելի՝ թուրքամետ Դ. Ուրբվարդի միտումնավոր դրվածքների ազդեցության տակ արտահայտած կարծիքները մերժվեցին ոչ միայն գերմանական սոցիալ-դեմոկրատիայի շատ ներկայացուցիչների, այլև ռուս, ֆրանսիացի, իտալացի, լեհ, բելգիացի, հայ սոցիալ-դեմոկրատների, մարքսիստների, սոցիալիստների և այլ առաջադեմ մտածողների կողմից²⁸:

Այսպիսով, գերմանական սոցիալ-դեմոկրատիայի և նրա ղեկավարների ճնշող մեծամասնությունը (է. Բեռնշտայն, Կ. Կաուցկի, Ռ. Լյուքսեմբուրգ և ուրիշներ), հակառակ գերմանական կառավարող շրջանների՝ թուրքամետ քաղաքականությանը, հետևողականորեն հանդես են եկել թուրքական ջադարարների դեմ՝ Հայ դատի վճռական պաշտպանությամբ:

ГЕРМАНСКАЯ СОЦИАЛ-ДЕМОКРАТИЯ И АРМЯНСКИЙ ВОПРОС В КОНЦЕ XIX ВЕКА

Г. Б. ГАРИБДЖАНИЯ
Академик НАН РА

Р е з ю м е

Проблема «Германская социал-демократия и Армянский вопрос» мало изучена. Между тем видные немецкие социал-демократы Э. Бернштейн, К. Каутский, Р. Люксембург и др. защищали национально-освободительную борьбу армянского народа, резко выступая против политики официальной Германии. При этом они отмечали прогрессивный характер борьбы находившихся под османским игом народов, в том числе и армянского, за свободу и независимость.

²⁶ Vorwärts, 1897. 10. III, № 58, s. 106.

²⁷ К. Маркс, Ф. Энгельс, Соч., т. 22, с. 20.

²⁸ Նույն տեղում, էջ 44:

²⁸ Ю. Мартов, Записки социал-демократа, М., 1924, с. 324, 326.